

COMUN: Al vëgn lascé alsavëi che les domandes do contribuc y aiüc economics por l'ativité ordinara tl ann 2019 a uniuns y assoziaziuns mëss gni dades jö te comun cina le vëndres, 29 de merz 2019. I modui por la domanda é da ciafé sön la plata internet dl Comun www.comun.sanmartindetor.bz.it o te secretariat de comun. Domandes dades jö do le termo ne vëgn nia tutes en conscideraziun.

Racoiüda dl refodam da tosser (patris vedles, lac, öri, bossi de sprai, löms neon, medejines vedles, refodam che contëgn FCKW) da pert dla firma Eco Eridania spa da Balsan: en mercui/dedemesaledema, ai 6 de forá
San Martin dales 10.30 ales 11.30 dan le magazin di stödafüch
Lungiarü dales 11.45 ales 12.45 dan le magazin di stödafüch



SAN MARTIN Y LUNGIARÜ

I periun do l'intenziun dl Papa, che düc chi che é tles ciaves dl comerz de jënt, dla prostituziun y dla violënza vëgnes tuc sö cun brac daverc te nosta sozieté.

La proscima ora de Oraziun de Taizé é en vëndres, ai 15 de forá dales 20.00 tla capela da Oies, olach'al vëgn perié, medité, cianté en forma de Taizé. Düc é dër bel invia da gni a tö pert.

Les parores da scrí ite tl ultimo stomat ê: paraisc, ligrëza, Oies, Ujöp, Dlijia, Agnel, Cina, soferënzes, pordonn, crusc, orenté, püri, miscionar, Frëinadamez

Gen Verde Start Now: Dai 6 ai 10 de merz vëgnel metü a jí, a Porsenú tl Vinzentinum, n bel proiet por nosta jonëza: te n program de 5 dis él le Gen Verde che colaurëia cun jones y jogh da 14 a 25 agn. Al sará workshops (cianté, bal, teater y percusiuns). Al costa 150 euro y an pó se prenoté cina ai 10 de forá pro: Jugenddienst Brixen: brixen@jugenddienst.it 333 33 50 842
Pastorale giovani: elena.cortese@bz-bx.net 338 66 96 297 SKJ: info@skj.bz.it
Ai 9 de merz él spo dales 20.00 n concert tl Forum a Porsenú por düc.
Link da prenoté chertes: <https://goo.gl/forms/CHWdxPJl8LvF3y1>

SAN MARTIN

La Uniun di Èi da San Martin rengraziëia por la buna partezipaziun ala lîta di surastanc dla uniun y ti dij dër bel dilan a chi che á azeté l' inciaria: Christian Bacher, Leo Crepaz, Paul Pedevilla y Walter Zingerle.

Ti proscimi mëisc vëgnel mudé fora a San Martin tles strades Nicl Dasser, Pinis y Tor i contadus dal'ega, che mëss do lege gni sostituis vigni 8-10 agn; le Comun á inciarié la dita Daporta Othmar da Lungiarü da fá i laurs che gnará coordiná dal laurant de comun (348 70 43 049).

LUNGIARÜ

Che sá pa da nes daidé?

Le Grup dl Paisc di Alpinisc da Lungiarü chir adöm fotografies, documënc, stories y recordanzes sura la storia dl jí a munt a Lungiarü y incëria.

Prëibel portedi le material a Monika (346 15 58 642) tl ofize dl'Aziënda Turistica o lascësse adintëne sc'i èis informaziuns nia scrites sö.



BERGSTEIGER
DÖRFER



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

03.02. – 10.02.19 nr. 10

ultimo termo por comunicaziuns: jöbia dales 20.00

radio: 90,40 / 93,70

4ª DOMÈNIA IA POR L'ANN C

Vangele do Lüca 4,21-30

Gejü â metü man tla sinagoga de Nazaret da splighé:
Incö s'â adempli la parora dla Scritöra ch'i èis dër aldì cun ostes orëdles.
Süa pordica gnô tuta sö bëgn da düc;
ai se fajô demorvëia, coch'al savô da baié
y dijô: Ne n'é nia chësc le fi de Ujöp?
Mo ël ti â respognü: Dessigü me tirëise dant le proverb:
Mede, varëscete te instës!
Sce t'as bele fat a Cafârnaum de te'gran cosses, coch'i ùn aldì,
spo fales inçe chilò te tûa patria! Y al â injuntè: Amen, i ves diji:
Degun profet ne vëgn reconesciü te süa patria.....

*Impröma ési düc animá de ci che Gejü dij. Sües parores ciafa plajëi y aplaus.
Mo spo ti stál sö le fle ala jënt da Nazaret: „N'é nia chësc le fi de Ujöp?”
Gejü sá ci ch'ai pënsa. Èl sint süa averjiun y constatëia:
„Degun profet ne vëgn reconesciü te süa patria.”
Chësc é bëgn so destin – che ti resta cina ala fin.
Y deache la jënt de so paisc n'ó nia aldì sües parores tleres, se dessënni.
Denanch'ai sciafia da sburlé Gejü sura le crëp dl ur dla cité jö
passel amesa la meja fora y s'un vá demez.*

*Sëgn te chësc momënt él chiló pro nos.
I aldiun süa parora.
I podun sintí süa uniun cun ël tl pan y tl vin.
Al nes vëgn sciöche Salvatur adincuntra:
Sciöche chël che é gnü
a ti porté la noela de ligrëza ai püri,
a ti incundé ai sará ia la deliberaziun,
a ti scinché ai verc la löm di edli
y ai oprescioná la liberté.
Grazia dess ciagé la jënt, ince nos.
L'incuntunse nos zënza preiudizi, y ci ponsunse pa nos de d'ël? (P.H.)*



	SAN MARTIN	LUNGIARÜ	DE MONDIAL DLA VITA
03.02.19 4^a DOMËNIA - Ann C <i>De de Sconanza dla Vita</i>	9.00 Corona por + Pire Unterweger 9.30 GRAN MËSSA dla Comunité y benedisciun de San Blaje dl ann + Ida Clara Verginer <i>De dla vita</i>	7.55 Corona 8.15 GRAN MËSSA dla Comunité <i>I festejun le De dla vita adöm cun i mituns y les mitans nasciüs y batiá</i>	 I sun de valor, ince sc'i m'intëni ch'i á te me tröp che me sciüra jö y me tol la vöia. I sun de valor, ince sc'i sun de colpa y me stënti da me pordené. I sun de valor, ince sc'i n'á nia val' da mostré sö che me dá reconescimënt y respet, sce mies forzes é debles y i ne sun nia bun da fá plü co intant. I sun de valor, ince sc'al é jënt che ne m'ó nia y sc'i ne sun nia bun da dé ci ch'al vëgn ghiré da me. I sun de valor, ince sc'i á ciafé püch amur, sce jënt m'l'á fata ria, sc'al m'é gnü fat de tort y an m'á desgort. I sun de valor, deache tö m'as ion y te m'as dit de scé, Signur, tö mi Dî; tö me mëtes al sigü dan dai atri y dan da me instës. Ch'i sun de valor te tü edli, chël me feji ert da sintí y da capí, mo sön tües impormetüdes pói me lascé deplü co sön mi sentimënc malsigüsc. Y ince sc'al é n tru lunch cina ch'i impari da m'odëi nü, sái impó: Tö as n gröm de poscibilités, da me lascé tó pert al bun che te pënses de me. <i>(Sabine Naegeli)</i>
04.02.19 Lönesc <i>Rabanus Maurus, Gilbert</i>			
05.02.19 Dedolönesc <i>Injeun y Albuin, Agata,</i>	19.30 Mëssa dl ann + Sepl Flöss, Diamant ++ Loise y Sciandro Dasser, Alfur 20.00 Sentada dl Consëi de cöra		
06.02.19 Dedemesaledema <i>Paul Miki y Comp, Dorotea</i>		7.30 Mëssa ++ Serafin y Emma Clara en onur de San Florian y San Cristofer	
07.02.19 Jöbia <i>Richard, Nivard</i>	7.30 Mëssa di scholars 3 ^a de sopoltöra de + Pire Unterweger + Bino Pedevilla ++ Franz y Cristina Conrater Corona por vocaziuns		
08.02.19 Vëndres <i>Iarone, Iosefina Bakhita</i>	18.30 Adoraziun chîta 19.00 Adoraziun deboriada	7.30 Mëssa + Scimun Mischi	
09.02.19 Sabeda <i>Apolonia, Alexia</i>	15.30 Mëssa tla Ciasa de Palsa 18.30 Mëssa prefestia dl ann + Artur Conrater dl ann + Clara Frenner Zingerle dl ann + Giovanni Flöss	20.00 Mëssa prefestia dl ann + Serafin Canins + Giovanni Costa + Franz Flatscher	
10.02.19 5^a DOMËNIA - Ann C	9.00 Corona 9.30 GRAN MËSSA dla Comunité + siur Angel Morlang (dl ann) dl ann + Giovanni Pescoller + Pire Unterweger (dla Uniun)	7.55 Corona 8.15 GRAN MËSSA dla Comunité	